

Vischnaunca politica Vuorz

Radunonza communal dils 13 da settember 2017

Presents: Suprastonza communal e canzlist
51 vischinas e vischins (incl. suprastonza)

1. Approbaziun dil protocol dalla radunonza communal dils 24-06-2017

Il protocol dalla davosa radunonza communal dils 24-06-2017 vegn approbaus unanimamein.

2. Quen communal 2016

a) Presentaziun dil quen communal

Quen current: Il quen current 2016 siara suenter expensas da frs. 2'775'317.80 ed entradas da frs. 2'895'617.87 cun in surpli d'entradas da frs. 120'300.07. Amortisaziuns ordinarias e supplementaras sin la facultad administrativa sco era sin la facultad finanziaria ein vegnidas pridas avon ell'altezia da total frs. 840.000.00.

Quen d'investiziun: Il quen d'investiziun 2016 siara suenter expensas da frs. 1'385'477.95 ed entradas da frs. 376'350.00 cun investiziuns nettas da frs. 1'009'127.95.

Las impurtontas investiziuns egl onn 2016:

- Sanaziun via da funs
- Oвра electrica Ruinas
- Project GWP
- Illuminaziun da vias

Bilanza: Ils deivets a termin cuort, mesaun e liung (incl. credits d'investiziun) muntan per ils 31-12-2016 a frs. 1'248'637.70 (sminuziun da frs. 23'243.55 enviers igl onn 2015). Il capital agen ei s'augmentaus per frs. 120'300.07 sin frs. 1'247'154.16.

b) Rapport dalla cumissiun da gestiun

Sino Hunger pren sco president dalla cumissiun da quen e gestiun il plaid. El rapportescha che la contabilitad ed il menaschi administrativ ei vegnius menaus schuber ed endretg. Ulteriuramein explichescha el ch'ìls departaments da vischnaunca ein vegni controllai.

c) Approbaziun dil quen e dar scarica als officials dalla vischnaunca

La cumissiun da gestiun propona tenor rapport alla radunonza communal dad approbar il quen 2016 e la bilanza per ils 31-12-2016 sco era da dar scarica all'administraziun ed a tuts funcziunaris da vischnaunca.

Il quen communal 2016 vegn approbaus unanimamein. Als funcziunaris da vischnaunca ed all'administraziun vegn dau scarica.

3. Elecziun da 3 commembers ed in suppleant dil cussegl da vischnaunca

Guido Dietrich presentescha cuort las incumbensas ch'in post el cussegl da vischnaunca porscha. Silsuententer va ei directamein allas elecziuns:

Il pli absolut schai tier 26 vuschs.

Elegi el cussegl da vischnaunca ein:

Mengia Risch: 37 vuschs

Sven Seeli: 31 vuschs

Luzi Pfister: 27 vuschs

Sco suppleant elegius ei:

Robert Veraguth: 35 vuschs

Guido Dietrich gratulescha als vischins elegi.

4. Varia

Guido Dietrich ha informau davart ils proxims pass en connex cun la fusiun. Oz ei il cussegl da vischnaunca vegnius elegius a Vuorz, venderdis ils 15-09-2017 ad Andiast ed ils 24-09-2017 all'urna a Breil. Las empremas sesidas dil cussegl da vischnaunca han liug ils 4 ed ils 24-10-2017.

La suprastonza communal e la cumissiun da gestiun vegnan elegidas en tuttas treis vischnauncas all'urna ils 26 da november.

Finiziun dalla radunonza communal allas 21:30 uras.

Vuorz, ils 13-09-2017

Il president:

Igl actuar:

Guido Dietrich

Gian-Luca Lutz